

Na osnovu člana 34. Statuta Općine Donji Vakuf ("Službeni glasnik Općine Donji Vakuf" broj 2/98, 2/01 i 6/04), a u vezi sa predloženim Kodeksom kao osnovom političkog integriteta lokalnih i regionalnih predstavnika predloženim od strane Kongresa lokalnih i regionalnih vlasti Vijeća Evrope u 2000. godini, Općinsko vijeće Donji Vakuf na sjednici održanoj 20.12.2005. godine, utvrdilo je

## **ETIČKI KODEKS IZABRANIH PREDSTAVNIKA VLASTI OPĆINE DONJI VAKUF**

### **I UVODNI DIO**

1. Ovim Kodeksom utvrđuje se okvir etičkih principa ponašanja za izabrane predstavnike Općine Donji Vakuf.

2. Imajući u vidu činjenicu da je uvažavanje povjerenja birača gotovo identično sa poštivanjem etičkih normi, predmet ovog Kodeksa su temeljni principi standardiziranog ponašanja koje građani očekuju od izabраниh predstavnika u obavljanju njihovih dužnosti. Visoko moralno i odgovorno ponašanje izabраниh predstavnika najdirektnije će uticati na snaženje povjerenja građana u institucije i dužnosti od općeg interesa.

### **II PRIMJENA KODEKSA**

3. Etički kodeks izabраниh predstavnika vlasti (u daljem tekstu: Kodeks) se odnosi na sve izabrane lokalne predstavnike vlasti kojima je mandat povjeren putem neposrednih izbora, kao i skup dužnosti koje izabrani predstavnik obavlja u okviru svog mandata.

4. Pojam "izabrani predstavnik" označava bilo koju osobu koja ima mandat lokalne vlasti povjeren joj neposrednim izborom.

### **III PRINCIPI PONAŠANJA**

5. Izabrani predstavnici su obavezni svoje dužnosti obavljati i postupati u skladu sa Ustavima Bosne i Hercegovine, Federacije Bosne i Hercegovine i Srednjobosanskog kantona, zakonom, kao i Statutom Općine Donji Vakuf, neopterećeni stranačkom, vjerskom, nacionalnom ili bilo kojom drugom orijentacijom, sve u cilju općeg interesa.

6. U vršenju povjerene im funkcije, izabrani predstavnici će uvijek služiti općem interesu, zalagati se za ljudska prava i slobode, te ravnopravnost svih naroda i građana.

7. Izabrani predstavnici će obavljati povjerene funkcije i dužnosti savjesno i odgovorno, uz spremnost odgovornosti za svoje odluke, djelovanja i ponašanja.

8. U obavljanju svojih funkcija izabrani predstavnici će uvažavati prava i ovlaštenja drugih predstavnika i državnih službenika, a svojim ponašanjem neće podsticati ili pomagati da se u izvršavanju povjerenih funkcija krši uspostavljeni Kodeks ponašanja.

#### **IV POSEBNE OBAVEZE**

##### **9. Pravila izborne kampanje**

Osoba koja se kandiduje za određenu dužnost neće se služiti prevarama, lažima, nepoštenim lobiranjem ili bilo kojom drugom nemoralnom radnjom, nego će glasove birača osvajati isključivo uvjerljivom argumnetacijom i dijalogom sa glasačima. Takođe u izornoj kampanji neće biti uvredljivog riječnika, klevetanja protivnika, nasilja, prijetnji, zloupotrebe glasačkih propisa ili rezultata glasanja, kao ni obećavanja usluga.

##### **10. Zabrana favorizovanja**

Izabrani predstavnici će isključiti svaku zloupotrebu svojih ovlaštenja u svrhu ostvarivanja vlastitog interesa, interesa drugih pojedinaca i grupa.

##### **11. Sukob interesa**

U slučaju eventualnog vlastitog interesa, izabrani predstavnici će obavijestiti izabrano tijelo prije vijećanja i glasanja. Uvažavajući propise o sukobu interesa i ograničenja istovremenog obavljanja dvije ili više funkcija, takođe neće učestvovati u izjašnjavanju.

##### **12. Donošenje odluka**

Odluke izabranih predstavnika, u vršenju funkcije, će se zasnivati na zakonitosti, objektivnosti, odgovornosti i otvorenosti sa elementima uravnoteženosti sa općim interesom, uz spremnost na odgovornost za svoje odluke.

##### **13. Način komuniciranja**

Izabrani predstavnici će u komunikaciji izbjegavati obmanjivanje, laži, manipulisanje, samopromovisanje i nekulturu u kreiranju i vođenju dijaloga. Izbjegavat će svako ponašanje koje može poljuljati ugled institucije u koju su izabrani.

##### **14. Povjerenje javnosti**

Izabrani predstavnici će svoje ponašanje kako u službenom, tako i u privatnom komuniciranju usmjeriti tako da izbjegavaju konflikte i snaže povjerenje javnosti prema državnim institucijama a sve u skladu sa javnim interesom.

#### 15. Zabrana korupcije

Izabrani predstavnici će se prilikom obavljanja svojih dužnosti suzdržavati od bilo kakvog ponašanja koje bi se prema važećim zakonima moglo okarakterisati kao aktivno ili pasivno podmićivanje. Izabrani predstavnici će u obavljanju svojih dužnosti imati na umu da je nepotizam u suprotnosti sa etičkim principima.

#### 16. Upravljanje resursima

Izabrani predstavnici će sa najvećom pažnjom i osjećajem sopstvene odgovornosti, svojim resursima upravljati na efektivan, efikasan i ekonomičan način, isključujući njihovo korištenje u lične svrhe ili bilo koju drugu zloupotrebu, a u skladu sa važećim propisima.

### **V ODNOS SA JAVNOŠĆU I MEDIJIMA**

17. Za vrijeme svog mandata izabrani predstavnik je odgovoran cjelokupnom lokalnom stanovništvu i sve odluke koje budu donesene biti će obrazložene i razumljive.

18. Izabrani predstavnici će odgovorno, pošteno i u potpunosti sarađivati sa medijima kao bitnim sredstvom komuniciranja sa građanima – biračima koji će na taj način imati uvid u njihove aktivnosti.

19. Izabrani predstavnici će ohrabrivati i poticati sve mjere sa ciljem unapređenja medijskog praćenja njihovih aktivnosti i obavljanja dužnosti kao i funkcionisanja službi u općinskoj upravi.

### **VI ODNOS PREMA OPĆINSKOJ UPRAVI**

20. Izabrani predstavnici će vlastitim ponašanjem onemogućiti imenovanja službenika i namještenika suprotno utvrđenoj proceduri, profesionalnoj sposobnosti i osnovnim principima vrijednosti.

21. Izabrani predstavnici neće zahtijevati od zaposlenika u općinskoj upravi da poduzimaju ili propuste poduzeti bilo koje radnje kojima bi na posredan ili neposredan način, sebi ili drugima omogućili prednost sa ciljem ostvarenja lične koristi.

22. Izabrani predstavnici će razvijati motivacijske elemente kod zaposlenih u općinskoj upravi kako bi radili efikasno, stručno, odgovorno, zakonito, pouzdano i kreativno.

### **VII OBLAST NADZORA**

23. Izabrani predstavnici će podržati bilo koju mjeru nadzora koju budu vršili nadležni organi i uvažavati će izrečene privremene ili konačne odluke koje proizilaze iz rezultata nadzora.

24. Izabrani predstavnici na rukovodnoj poziciji će odgovorno nadzirati ponašanje službenika i namještenika i po potrebi poduzimati odgovarajuće mjere.

## **VIII PRAĆENJE I PRIMJENA ETIČKOG KODEKSA**

25. Primjenu etičkog kodeksa vršit će Komisija za praćenje i primjenu Etičkog kodeksa (u daljem tekstu: Komisija) imenovana od strane Općinskog vijeća.

26. Izabrani predstavnik bit će spreman da u slučaju povrede neke od odredbi ovog Kodeksa snosi odgovornost i eventualne sankcije po postupku utvrđenom ovim Kodeksom.

Sankcije za povredu odredbi ovog Kodeksa su:

- Ukor,
- Javni ukor sa objavljivanjem odluke,
- Novčana sankcija.

Novčana sankcija izriče se u visini od 20 – 40% mjesečne naknade izabranog predstavnika za period od tri do šest mjeseci, a za načelnika od 10 do 20% mjesečne plaće.

27. Komisija će imati 5 (pet) članova a činit će je izabrani predstavnici i predstavnici građana, i to tri izabrana predstavnika i dva predstavnika građana, na prijedlog Komisije za izbor i imenovanje. Na prvoj sjednici izabrani članovi Komisije izabrat će predsjednika iz reda svojih članova.

Komisija je obavezna donijeti svoj poslovnik o radu u roku od 3 (tri) mjeseca od dana njihovog izbora.

## **IX ŽALBENE PROCEDURE**

28. Svaka osoba ima pravo i mogućnost za podnošenje predstavke ili žalbe za sve oblike kršenja pravila ovog Kodeksa.

29. Predstavke i žalbe se podnose u pismenom obliku na adresu Općinskog vijeća Donji Vakuf koje iste prosljeđuje Komisiji.

30. Komisija će razmotriti predstavke i žalbe i o svom mišljenju obavijestiti Općinsko vijeće sa preporukom o izricanju određene sankcije. O vrsti i visini sankcije konačnu odluku donosi Općinsko vijeće.

31. Ukoliko Komisija utvrdi da postoji kršenje odredbi ovog Kodeksa, o tome će biti obavještena javnost, o čemo konačnu odluku donosi Općinsko vijeće.

32. Kazna ukora se izvršava saopštavanjem Predsjedavajućeg općinskog vijeća o izrečenoj kazni i dostavom primjerka odluke izabranom predstavniku kome je ta kazna izrečena.

33. Kazna javnog ukora se izvršava objavljivanjem odluke Općinskog vijeća o izricanju kazne u "Službenom glasniku Općine Donji Vakuf" te putem lokalnog medija ili po mogućnosti u jednom od dnevnih listova.

34. Novčana kazna se izvršava dostavom odluke Općinskog vijeća službi za obračun novčanih naknada – paušala izabranim predstavnicima koja će obezbijediti njeno izvršenje u skladu sa tom odlukom.

35. O izrečenim sankcijama za povredu etičkog kodeksa vodi se evidencija u Stručnoj službi općinskog vijeća i općinskog načelnika.

## **X PODRŠKA KODEKSU**

36. Izabrani predstavnici će se upoznati sa sadržajem i principima ovog kodeksa te dati i potpisati svečanu izjavu kako ih u cjelosti prihvataju.

37. Izabrani predstavnici će svojom aktivnošću promovisati ovaj Kodeks kako u javnosti tako i u medijima.

38. Kodeks ponašanja kao osnova političkog integriteta izabranih predstavnika Općine Donji Vakuf objavit će se u "Službenom glasniku Općine Donji Vakuf" te će na taj način biti osigurana njegova dostupnost najširoj javnosti.

Broj:01/1-49-2247/05  
Donji Vakuf, 20.12.2005. god.

Predsjedavajući općinskog vijeća

Zrile Tihomir